



Padre Noria de Subad

ON PEDRO NOBIA ETA BERE IZKRIBUAK.



On Pedro Nobia Salzedo, Euskaldun argirotarra, Bilbao, erri buru noblearen seme prestu eta onra, Bizkaya-ko probinziaren Aita; ¿nork esan Euskal-erriaren alde zuk egin dezuna? ¿nork adierazi probinzia maiteari zuk agertu diozun amorioa? Gau illun ikaragarrian ichasoa aserratua dagoenean aize-bolada gogorrek era bagen eta olatuen bizitasunak chalupa bat daraman guziarekin irentsi nai duenean, beraren giariak, ekaitz guziai arpegi emanik, galtzeko arrisku gañ-gañekotik libratzen duen bezela, ala zuk ere libratu zenduen zure probinzia maitea, gerra, erreboluzio eta gobernu zentzugabeak ondatzera zijoazten ekaitz eta perill guziz aundietatik; zu izan ziñan, argitaratu zenduen liburuarekin gure Fuero maitagarrien kontrako etsayak jartzen zituzten argurio, apuko eta arrazoi falsoak desegindu eta ezerezera biurtu-ziñituena.

Baña ainbeste lan, neke eta buruauste zeregañ artu bazinituen ere, etzeritzazun oraindik Euskal-erri maitearen alde bear ainbat egin zenuela, eta ezaguturik orretarako eta gure Fuero eta gure aurrekoen oitura onak beren oñean gordetzeko, biderik indartsuena eta egokiena gure izkuntza zarra gordetzea zala, ikusierazo zenduen Euskararen nobleza, garbitasuna eta edertasuna, argitaratuaz Euskarazko itzen sortezko Itztegia, arteraño iñork ere zuk bezela eskuartean erabilli etzuen lanbidea, nun argiro ikusten dan nolakoak diran euskarazko itzen sortze edo zañak, eta oekin zeñ egoki itzak moldatzen diran. Bai, euskaldun argirotarra, ziñan guzia eta zenduen guzia enpleatu zenduen Euskal-erriaren alde; argatik uste degu, mundu triste onetako miseriak utzirik, joan ziñala zure neke aundiak eta birtute miragarriak merezitu zuten betiko saria gozatzeraz: Euskal-erriak esker onez beterik beti gogoan idukiko du zuk beragatik egin dezun guzia, batez ere zure eriotzaren urte betetzetan, erregutuaz Jaungoikoari zure animaren betiko atsedenagatik, egiten duen bezela oen artean ezerezena dan

MANUEL A. ANTÍA-KOAK.

